



SOALAN LAZIM

PROGRAM PEMBANGUNAN BAKAT MUDA YOUNG TALENT DEVELOPMENT PROGRAMME (YTP)

1. Apakah itu *Young Talent Development Programme (YTP)*?

Young Talent Development Programme (YTP) adalah program penajaan pinjaman pelajaran berbentuk **Pinjaman Boleh Ubah** di bawah Majlis Amanah Rakyat (MARA) untuk pelajar cemerlang lepasan SPM 2022 bagi menyambung pengajian bermula di peringkat persediaan hingga ke peringkat ijazah pertama di institusi pendidikan tinggi terpilih di dalam dan luar negara.

2. Bagaimanakah cara untuk saya memohon Program YTP?

Permohonan boleh dibuat secara dalam talian melalui Portal MARA <https://educationloan.mara.gov.my>. Pemohon hendaklah mendaftar terlebih dahulu sebagai **pengguna baharu** sebelum mengisi permohonan. Pemohon juga dikehendaki membaca dan memahami garis panduan yang disediakan sebelum membuat permohonan.

3. Bilakah permohonan Program YTP akan dibuka?

Permohonan dibuka selama **15 hari** mulai **8 Jun (Khamis)** selepas jam **3.00 petang** hingga **22 Jun 2023 (Khamis)** sehingga jam **12.00** tengah malam.

4. Apakah syarat umum untuk memohon Program YTP?

Syarat – syarat umum permohonan Program YTP seperti di bawah:

- i. **Pemohon DAN salah seorang ibu ATAU bapa** berstatus **warganegara Malaysia bumiputera**.
- ii. Ibu, bapa, penjaga, penjamin serta pelajar **TIDAK DISENARAI HITAM** atau sedang dalam tindakan undang-undang MARA.
- iii. Menduduki peperiksaan Sijil Pelajaran Malaysia (SPM) bagi tahun 2022 buat kali pertama.
- iv. Pemohon tidak menerima bantuan kewangan dan tajaan dari mana-mana badan penaja atau agensi untuk pengajian dan peringkat yang sama.

5. Apakah syarat kelayakan akademik untuk melayakkan saya **DITAWARKAN** Program YTP?

Pemohon mestilah memperolehi sekurang-kurangnya Enam (6) A- laluan dalam negara dan Tujuh (7) A- laluan luar negara bagi keputusan peperiksaan SPM 2022. Perincian syarat kelayakan penawaran Program YTP boleh dirujuk dalam senarai kursus dan syarat kelayakan program semasa permohonan dibuka.



SOALAN LAZIM

PROGRAM PEMBANGUNAN BAKAT MUDA YOUNG TALENT DEVELOPMENT PROGRAMME (YTP)

- 6. Jika saya tidak memenuhi syarat kelayakan yang ditetapkan tetapi saya ingin mencuba untuk memohon, adakah dibenarkan?**

Pemohon tidak dihalang daripada membuat permohonan namun dinasihatkan untuk menyemak syarat kelayakan terlebih dahulu. Hanya pemohon yang memenuhi syarat kelayakan akan dipertimbang untuk ditawarkan Program YTP.

- 7. Saya mendapat 8A dalam peperiksaan SPM 2021. Bolehkah saya memohon?**

Tidak boleh. Permohonan hanya dibuka kepada pelajar-pelajar yang telah menduduki **SPM 2022** buat kali pertama sahaja.

- 8. Bolehkah saya mengguna pakai keputusan peperiksaan IGCSE atau peperiksaan lain yang setaraf untuk memohon Program YTP?**

Tidak boleh. Hanya keputusan peperiksaan SPM sahaja yang akan diguna pakai sebagai syarat kelayakan akademik bagi YTP.

- 9. Dimanakah saya boleh menyemak senarai kursus, bidang dan institusi pengajian tinggi terpilih yang ditetapkan oleh pihak MARA?**

Senarai tersebut boleh dirujuk pada syarat kelayakan program yang diletakkan di Portal MARA.

- 10. Berapa banyak pemilihan kursus yang dibenarkan untuk saya memohon?**

Pemohon hanya dibenarkan untuk membuat **dua pemilihan** kursus sahaja.

- 11. Bolehkan saya menukar maklumat seperti keputusan SPM setelah menghantar permohonan?**

Pindaan maklumat butiran pelajar / butiran ibu bapa / dokumen sokongan / pertukaran kursus / keputusan SPM tidak dibenarkan. Pihak MARA akan mendapatkan maklumat keputusan SPM terkini atau semakan semula daripada Lembaga Peperiksaan bagi setiap pemohon sekiranya keputusan SPM semakan semula selesai sebelum 23 Jun 2023.

- 12. Adakah pihak MARA boleh menawarkan kursus selain daripada pilihan pertama dan kedua pemohon semasa permohonan dibuat?**

Ya. MARA berhak menawarkan kursus selain pilihan pertama dan pilihan kedua kepada pemohon berdasarkan kepada merit pemilihan serta jumlah kuota bagi sesuatu kursus. Sebarang permohonan pertukaran kursus oleh pemohon adalah tidak dibenarkan.



SOALAN LAZIM

PROGRAM PEMBANGUNAN BAKAT MUDA YOUNG TALENT DEVELOPMENT PROGRAMME (YTP)

- 13. Adakah saya wajib menduduki ujian kelayakan semasa mengisi permohonan Program YTP?**
Ya. Semua pemohon wajib menduduki ujian kelayakan secara dalam talian semasa mengisi permohonan Program YTP.
- 14. Adakah saya dibenarkan untuk menduduki semula ujian kelayakan sekiranya gagal berbuat demikian semasa mengisi permohonan?**
Tidak. Ujian kelayakan boleh diduduki hanya sekali semasa permohonan dibuka.
- 15. Adakah saya wajib melalui proses ujian temuduga sebelum ditawarkan Program YTP?**
Proses temuduga hanya melibatkan kursus tertentu yang ditetapkan. Sebarang maklumat berkaitan temuduga akan dimaklumkan kepada pemohon dari semasa ke semasa.
- 16. Bolehkah saya memohon Program YTP sekiranya ibu saya telah disenarai hitam MARA?**
Boleh. Namun demikian, Ibu, bapa, penjaga, penjamin dan pemohon perlu bebas dari senarai hitam MARA dalam tempoh tujuh (7) hari setelah permohonan ditutup. Pemohon dinasihatkan segera menyemak status senarai hitam di Bahagian Kawalan Kredit (BKK) MARA.
- 17. Adakah pemohon dibenarkan untuk mengikuti program persediaan secara persendirian?**
Tidak. Pemohon yang berjaya ditawarkan Program YTP perlu mengikuti program persediaan di institusi yang telah ditetapkan oleh MARA sahaja.
- 18. Sebagai pelajar tajaan MARA di bawah Program YTP, bolehkah saya menukar institusi atau kursus pengajian pada peringkat Persediaan atau Ijazah Sarjana Muda?**
Tidak. Pemohon yang berjaya ditawarkan Program YTP perlu mengikuti pengajian peringkat Persediaan dan Ijazah Sarjana Muda di institusi atau kursus yang telah ditetapkan oleh MARA sahaja.
- 19. Adakah Pinjaman Boleh Ubah saya boleh ditukar sepenuhnya kepada penajaan Biasiswa?**
Tidak. Tiada pertukaran sepenuhnya daripada pinjaman kepada biasiswa. Kadar bayaran balik tertakluk kepada prestasi akademik peminjam setelah tamat pengajian.
- 20. Apakah yang dimaksudkan dengan Pinjaman Boleh Ubah?**
Pinjaman Boleh Ubah bermaksud keseluruhan pinjaman pelajaran yang diterima boleh dipertimbangkan bagi pengurangan bayaran balik berdasarkan prestasi akademik pelajar setelah tamat pengajian. Tertakluk kepada dasar yang ditetapkan.



SOALAN LAZIM

PROGRAM PEMBANGUNAN BAKAT MUDA YOUNG TALENT DEVELOPMENT PROGRAMME (YTP)

21. Apakah bentuk pinjaman pelajaran yang akan saya terima sekiranya ditawarkan dalam Program YTP?

Pinjaman pelajaran di peringkat persediaan merangkumi Yuran Pengajian, Elaun Sara Hidup serta Elaun Pengangkutan. Elaun Pengangkutan (pergi & balik) hanya layak dibayar kepada pelajar dari Semenanjung Malaysia yang mendapat tawaran pengajian di Sabah/Sarawak atau pelajar Sabah/Sarawak yang mendapat tawaran pengajian di Semenanjung Malaysia. Pinjaman pelajaran akan diteruskan sehingga ke peringkat ijazah sarjana muda.

22. Adakah Elaun Penginapan termasuk dalam bentuk pinjaman pelajaran yang akan diterima?

Tidak. Pelajar dinasihatkan untuk menggunakan peruntukan Elaun Sara Hidup (ESH) bulanan secara berhemah untuk membiayai perbelanjaan makan minum, penginapan dan lain-lain.

23. Bolehkah saya memohon biasiswa JPA atau lain-lain agensi sekiranya saya telah memohon Proram YTP?

Boleh. Pelajar bebas untuk memohon biasiswa atau pinjaman dari mana-mana agensi atau badan selain MARA. Namun pelajar dikehendaki memilih satu agensi atau badan penaja sahaja bagi membiayai kos pengajian pada satu-satu masa.

24. Adakah saya perlu menghantar borang atau apa-apa dokumen selepas membuat permohonan?

Tidak perlu. Pemohon hanya perlu mencetak slip pengesahan dan borang permohonan setelah selesai membuat permohonan untuk tujuan rujukan. Pemohon hanya dikehendaki melengkapkan dan menyediakan segala dokumentasi pada hari pendaftaran sekiranya ditawarkan Program YTP.

25. Bagaimanakah saya boleh membuat semakan keputusan permohonan Program YTP ini?

Pemohon adalah dinasihatkan untuk sentiasa membuat semakan di Portal MARA <http://www.mara.gov.my> dari semasa ke semasa bagi mengetahui sebarang maklumat terkini.

26. Bagaimanakah cara untuk saya menghubungi MARA sekiranya ada sebarang pertanyaan?

Sebarang pertanyaan dan maklumat lanjut boleh disalurkan melalui emel ytp@mara.gov.my